

LEGEINTZALDI HITZARMENA EAE-N. EAJ, EA eta EB-IUk gobernu ituna sinatu zuten atzo Ajuria Enean. Bakegintza eta autogobernua oinarritzat izango ditu Jaurlaritzak. Javier Madrazoren alderdiak Etxebizitza eta Gizarte Gaiak saila kudeatuko du.

Ibarretxeren gehiengoa sendotu egin du EB-IU Jaurlaritzan sartzeko akordioak

Hiruko gobernuaren lehentasunak baketzea, autogobernua eta alor soziala izango direla adierazi dute



KARLOS BIGURI

Begoña Errazti, Juan Jose Ibarretxe, Xabier Arzalluz eta Javier Madrazo, atzo, Ajuria Eneko atarian, eskuak bilduta.

I. Santamaria - M. Biteri | GASTEIZ

Negoiazio saio luzeen ondoren, atzo izenpetu zen Euzko Alderdi Jeltzalea, Eusko Alkartasuna eta Ezker Batua EAEko zazpi garren legeintzaldian lotuko dituen gobernu akordioa. EAKo batzarrak ostiral iluntzean itunari baiezkotzea eman zion, eta atzo bertan alderdietako buruzagiak Ajuria Eneko jauregian bildu ziren, hitzarmena formaliki martxan jartzeko. Xabier Arzalluz EAJren EBBko presidentea, Begoña Errazti EAKo presidentea eta Javier Madrazo EAEko EB-IUko koordinatzailea izan ziren sinadura ekitaldian. Haiekin batera, Juan Jose Ibarretxe EAEko lehendakaria.

Eusko Jaurlaritzako gobernu programaren lehentasuna bakea eta autogobernua izango dira, EAJk eta EAK sinatu zuten akordioaren ildoari jarraiki. EB-IU Eusko Jaurlaritzan sartzeak, berriz, gizarte politikan sakontzea eragin du. Gizarte soldata handitzea, etxebizitza bultzatzeko neurriak hartzea eta ingurumenaren alorrean beste jardun zehatzak bultzatzea aurreikusten da, besteak beste.

Esan bezala, bakegintza izango du Jaurlaritza berriak ardatz. Hain zuzen ere, bizikidetzaren normalizazio politikorako jarduna hiru puntutan laburbiltzen du itunak: «Pertsona guztien giza eskubideak eta bizitza babesteko konpromiso etikoa, elkarriketa babesteko konpromiso politikoa eta euskal herritarren erabakiak errespetatzeko konpromiso demokratikoa».

Bakegintzan «eragile aktiboa»

Horren haritik, Eusko Jaurlaritzak bakegintzan «eragile aktiboa» behar duela izan uste dute EAJ, EA eta EB-IUk. Hori dela eta, ohararazi dute indarkeriak ezin duela eragotzi indar politikoaren arteko eztabaidaguneak sortzea. Alderdien artean, gainera, «distentsio eta hurbiketa» prozesu bat hasteko deia egiten du hitzarmenak.

Gernikako Estatutua osatzea

GOBERNU PROGRAMA

Jaurlaritzaren xedekak

Eusko Jaurlaritzak lau ardatz hartuko ditu aintzat: bake, bizikidetzaren normalizazio politikoen printzipioak; gizarte integratuaren aldeko eta bazterketaren aurkako hitzematea; etxebizitza, ingurumenari dagokion jardunak; eta gizarte berrirako ekintza publikoak.

BAKEGINTZA. Jaurlaritzak bakea, bizikidetzaren normalizazio politikoen alorrean garatuko duen jarduna hiru zutabetan oinarrituko da: Pertsona guztien giza eskubideak eta bizitza babesteko konpromiso etikoa; elkarriketa —bakea eta elkarriketa lortzeko tresna gisa— babesteko hitzemate politikoa; eta euskal herritarren erabakiak errespetatzeko konpromiso demokratikoa. Ildo honetan, EAJ, EA eta IUk segurtasun indarren lankidetzaren aktiboa eta leiala beharrezkoa dela pentsatzeaz

gain, Schengengo akordioa aplikatzeko eskatzen dute, Ertzaintzak Europako polizia foroetan parte hartu ahal izateko. Indarkeria legitimatzeko saioak salatzen dituzte, eta biktimizekiko elkartasuna eta laguntza bultzatuko dutela esan dute. Indarkeria eta gatazka politikoa ebazteko elkarriketa ezinbesteko tresna dela uste dute.

GIZARTE INTEGRATUA. Gizarte integratuaren alorreko eta bazterketaren aurkako hitzematearen baitan, Aurrekontu Orokorretan oinarrituko errenta urtero gehitzea erabaki dute, Lanbide Arteko Gutxieneko Soldata izan ditzakeen gehikuntzak edozein izanik ere. Horrela, gizarte eskubideen gutunean ezarritako %75a 2002rako %79ra igoko da. 2006 urterako %86 ezartzea bermatu da. Gainera, Gizarte Bazterketaren Aurkako Legea eta Gizarte Eskubideen Agiria garatu nahi dituzte kolektibo gehiago onura daitezkeen. Lanaldia 35 ordukoa murriztu eta aparteko orduak debekatzea ere nahi dute.

ETXEBIZITZA ETA INGURUMENA. Etxebizitza babestuen eskaintza gehitu egingo deladite gobernu akordioan: alokairuan lagatzeko etxebizitza sozialaren eskaintza batik bat. Eta etxebizitza babestua arautuko duen lege berri bat landuko dute; horrek etxebizitza premiaren nondik norakoak zehaztuko ditu eta jardun babestuen tipologia arautuko du. Gainera, luraren erregimena eta hiri antolamendua berezko araudiz hornituko duen Lurraren Legea landuko da. Bestetik, Abiadura Handiko Trena zorroztasun juridikotik eta ingurumen arloko zurruntasunetik landuko da. Proiektua ez da abiaraziko dagokion ingurumenaren gaineko eraginaren adierazpena formulatzen ez den arte, indarrena dagoen legeari jarraituta.

GIZARTE BERRIA. Askatasun afektibosexualaren alorrean izateko bikoteen erregistroa abian jartzeko proposamenak landuko dituzte.